

蘭谿縣志卷十六

古蹟志

古人一物一名苟足動人愛慕者千載不猶將尚論而稱道之周官訓方氏掌誦四方之傳道蓋傳說往古之事也況乎一邑中陳蹟非一城垣公廨可以證沿革之由亭館蕭齋足以訪風流之舊其名賢第宅更爲文人學士之所懷思雖物故不常而遺踪可溯美斯愛愛斯傳斯久故並詳之用資觀覽焉志古蹟

三河戍 蘭谿本金華之西部三河戍舊有成兵唐咸亨五年於戍置蕭谿縣今縣西北四十餘里建德西界

蘭谿縣志

卷六 古蹟

有地名三河是也見郡志 按章楓山云蘭谿之西北四十餘里建德界上有地名三河而不聞其嘗有成兵而蘭谿建德二縣治所亦未聞有三河之名則所謂三河戍者蓋不可考焉故舊志入傳疑今郡志入古蹟從之

古城巖

俗傳昔黃巢亂時有張全義保障鄉民於巖上其民至今祀之

古城

去縣東南二十里或謂其山形似城郭因謂之古城按東陽志云金華西南四十里有古城廣五六里相

傳爲古州城今蘭谿在金華之西彼之西南在此爲東南以地里較之豈卽所謂古州城者耶

宋縣丞廨舍

縣南五步今丞宅在焉

主簿廨舍

縣西十步

元捕盜司

俱縣西十步今皆廢爲民房

宋尉司

縣西北一百五十步

元蒙古字學 縣南五步 今丞宅

帝師寺 澱水驛 後山

宋酒務 縣西南二十步 元為三皇廟

宋監稅廨舍稅務

元稅使司 俱縣西二百步 今皆沒於水

元鎮守千戶所 城隍廟西偏後為布政分司 復歸官家再易士族

縣倉 縣南一里或云今澱水東 有山名倉嶺即其舊址

鹽倉 香溪鎮西今 名鹽倉凸

社壇 縣南一百一十步或云今 東嶽廟之南為古社壇

採造務 舊管四源宋初以知縣提舉務事後係主簿掌之 東遷源距縣九十五里在嚴州壽昌縣界裏照源

蘭谿縣志 古蹟

距縣一百六十里在武義縣界輔倉源距縣一百三十里在金華縣界掠源距縣三百七十里在嚴州淳安縣界

造船場 舊置一指揮元祐九年廢場失其處 今儒學左右有三處船場土地堂

靈泉巡檢司 香溪鎮 今廢

龍巖巡檢司 雙牌村 今廢

批驗茶引所 驛西偏今 為夫廠

香溪稅課局 香溪鎮 西今廢

緝塘稅課局 緝塘今屬 湯溪縣

馬舖 有二處一在東嶽廟 南一在香溪鎮西北

蘭臯馬站 河西二里與浮橋相直額設正備馬各二十五正馬夫二十五名防夫六名今廢

上洪驛 縣西南四十五里元知

雲館 縣西一百六十三步

小隱館 宋知縣蔡棫建久廢

竹馬館 金華界間

義役莊 縣南古結義役者儲其租

插鼓墩 橫山鄉之下王村古昔勸

煙墩 兵興望燎之所

徽東書院 縣南數里鷓鴣塢中宋時葉誕所建以為讀書

子紹彭大同皆有學行

仁山書院 與道峯山相對先生中年所築北山何文定公

蘭谿縣志 卷六 古蹟

三

晚年寢疾白雲詩先生自金華草屨徒行冒雪來此問
學今堂廢人猶稱其地曰學堂云正德中郡守趙公豫
於天福山慈明院廢址改朔仁山書院有先生像歲時
祀焉萬歷中因金氏繼孫造高樓於左角餘山致傷近
山居民因呈本府縣將左角山基易價歸於近山徐太
常及中丞宅本宅因朔為名德祠祀先世鄉賢堂寢門
屋三小楹巡道
淮海張公記

重樂書院 在蘭谿縣西十里儒源葉克誠先

齊芳書院 柱竿山之陽金仁山先生嘗講道於此為唐良

是而良瑞號石泉猶知名嘗取仁山所編濂洛風雅分
類例板行於世良驥子公武與其孫晉卿景文叔理景
淵曾孫元嘉德宏德基德廣傳其家學皆
善詩文而景文之學最優元嘉擢進士第

漁石書院 忠佑廟西南後廢

香山書院 童品讀書處

大雲書院 在儒學東為徐魯源先生講學之所門人甘士
公延光申請三院即為先生專祠春秋崇祀門人吉水
羅大紘匾其堂曰志學關西馮從吾聯其柱云猷欽興
思樂堯舜君民之道而吾身親見杏壇趨步克視聽言
動之已而天下歸仁門人折江右布政使談自省謁祠
曰省年十四受業於師門初謁時即拈其中遠大其外
謙冲兩言教之慮其遺忘後申飭曰毋為伯魯之簡師
之教人諄懇一至於此

湖山書院 在驥溪

岩山書屋 徐原讀

東峯亭 聖壽寺後山之東峯舊名新亭唐洪令所建而馮
宿記之其後廢元監州怯失烈又復亭焉不久亦
廢成化中知縣李璣作景賢祠於其地歲久亭復圮
朝嘉慶元年知縣張許重建有碑記

山意亭 縣南桃花塢之東高峯上元
知州辛忍仁所建而今廢矣

蘭谿縣志 卷之六 古蹟

且停亭 伊山頭崇正
間李漁建

佳山水亭 一作城塔小亭
城南塔下沙頭

半山亭 縣東二十里洞岩山山之腰有亭
翼然故名其亭已廢石磴具存

秀野亭 香溪東山側宋通
判范澆所建今廢

池亭 瑞山鄉徐秉國所建以延仁山先生
者池存而亭廢傍有塘多產荷花

蘭皋亭 縣治清心堂後即宋之蘭陰閣也洪武
末知縣劉箴即其地作望雲樓今廢

溪山一覽亭 在縣北勝山坦溪
誠夫作遺址尚存

清風亭 孟堦東
南今廢

聖壽萬春亭 北門外康熙間
唐字泰建今燬

共喜亭 邑厲壇邊
唐字泰建

百歲亭 爲章文烜妻朱氏建
在官井頭徐用檢記

望月亭 在橫山鄉石港塘順治乙未邑
人江中樓建知縣張浩爲之記

問漁亭 獅岩寺司丞
趙鳳梧建

萬緣亭 何家坑口唐
宇泰建今廢

廣濟亭 迴龍橋側
唐宇泰建

南塘亭 東門外唐宇泰
建今亭廢址存

寄亭 祝崇祖所居內
閣申時行有詩

古池槐亭 銅山鄉常山令陳文穆建
喬孫今盛績邵貞白公記

自牧堂 紫岩鄉蜈蚣山左爲吳
履德基讀書之所今廢

春華堂 桃花塢潘慈
明之居今廢

蘭谿縣志 卷之六 古蹟

見山堂 縣治東卽際
畱倉故址

綵衣堂 柱竿山之陽鄉人范宏所作以悅親者
仁山爲書其扁今五百年矣遺址尚存

春暉堂 城中唐龍建紹興
太史董玘有記

逸老堂 東郭外少鄉郭
本立建自爲記

慈教堂 十字街南趙琪兄
弟所居唐錢有記

知新堂 在城隍廟前巡撫浙江都御史門人甘士价題曰
蘭谿徐魯源先生往談學處向嘗語价輩以溫故

精神學問猶若與歲月俱新者因名其堂曰知新以祝
先生之難老且無

忘夙昔之教云

怡壽堂 桃花塢鄭
本立有記

人瑞堂 趙輪年百歲邑令徐紳爲建
百歲坊匾復合其居曰人瑞

世賓堂

天福山麓少保唐龍有記

東湖野堂

董遵讀書處嘉魚評事李承芳記

聚星樓

宋宗室子括良恭敬德所建以延接士大夫在隆禮坊京兆薛清碧為書其匾曰聚星黃文獻公為

記之

明遠樓

邑北隅胡坊伯王之居樓左瞰池幽竹嘉卉景物清雅殊有興趣徐原均善有明遠樓宴集詩序今廢

月區

胡伯玉治明遠樓左偏一室穹窿其顛周密其四旁

瑩徹常若月在其前若闔月形障以紙天光照映虛明區為月區徐原有記今亦不存

望江樓

面臨大江題曰蘭江鎖鑰

深衣樓

象州守趙元亨建今廢唐龍有記

蘭谿縣志

卷六 古蹟

六

攝勝樓

河西外市東序班趙鳳城建內閣山陰朱賡書匾有記

雲山書樓

純孝鄉黃時高建樓於里之佑塘山儲書數千卷編目以示世守又置田二百餘畝充教養子

孫入庠者餼其租於城東寺左建屋以為考校之居停章懋童品皆為之序記

長仙樓

純孝鄉明陸贊脩真處

迎暉樓

純孝鄉陸瑞峯建凌瀚有記

萬書樓

純孝鄉陸瑞家建藏書十餘萬卷

挹翠軒

學宮明倫堂東教諭宅中蒼然山色面對小軒元時監州貫子素名以挹翠至洪武中教諭程叔易

其名曰翠雨今廢

臨池軒

學士陳達居

蝸殼軒

趙良恭居吳沉為之記

高明軒 香溪范栗之居栗為賢良先生後裔從禮部吳生游凝遠冲澹好誼循理而嗜學甚勤治其藏脩

之室匾曰高明徐原記

賓竹軒 厚仁里胡謹建章拯記

慎獨齋 范賢良先生之居有記

愚齋 范茂清築便室以自居而名之曰愚兄浚有銘

訥齋 香溪范伯通之居賢良先生為記

樂顏齋 張景雷龍舒人僑居蘭谿名其齋曰樂顏黃文獻公潛為之記

雲隱 東峯之麓沐人張一初之居學正徐鉉有記

藏春園 香溪市南宋通判范濬所治中有樓外有池今樓已廢園池亦非舊觀矣

告天臺 趙清獻公祠後邑令李得陽有記

蘭谿縣志 卷之六 古蹟

二酉山房 北城思親橋畔胡元瑞藏書於此王世貞記

靈洞山房 樓真寺前山左舊有宋少傅蘇遲墓歲久墓存寺場俱歸巨室萬歷庚辰內翰趙志臯用價易

之棚居為靈洞山房重砌蘇墓脩觀音菴與老僧隱山往還刑尚太倉王世貞有記

逸老閣 宋唐堯卿建址存

蒼漪閣 天福山半刑郎趙鳳翀建以藏先世誥勅徐用檢書匾曰蒼漪閣

文昌閣 前邑令趙名缺建以課士者又名課士院建造處所年分舊志未詳姑存之

一心殿 邑厲壇邊唐宇泰建

古栢垣 徐用檢所結瞻菴內楊溪橋之東也昔傳栢植於宋元間明太祖取葵時曾駐節其下

太平塔 二十五都一尚厚倫方崇正年間建

范丞相御賜詩屏 宋理宗御筆賜丞相范鍾詩云隔水聞香遠更幽水姿消瘦為誰愁天教獨向

春前發不與凡花混一流詩意蓋以梅喻公也其詩舊刻於展屏字皆鏤金其家雖消落屏尚存焉

御賜詩壁正氣四時無易心生來本孤節高處獨千尋影龍池動風枝簫籟吟如何桃與柳亦擬傍清陰中禁

夕沉沉幽篁別作林色連雞木近影落鳳池深為重凌霜節能虛應物心年年承雨露長對紫庭陰

此以松竹比也詩刻於堂中正壁字亦鏤金應進士賜笏應氏所藏有其祖登第時所賜笏上有題刻

塗以金泥但其登第之年與榜首之名皆不可知俗傳浩嘗為某郡守亦不得其詳云

槌茶在思親橋側高接雲漢陰蔽池塘夏月新綠暑氣不顏日古槌書屋延東陽王崇炳講學於此

唐侍郎徐安貞故宅橫山鄉舒元輿故宅花園塢相傳為唐相舒元輿之居見通志。按章楓山云考之唐書列傳方輿勝覽及東

蘭谿縣志古蹟八

陽志皆以為東陽人豈其祖居東陽而後遷於是抑或舊居在是而後遷東陽耶否則唐以前郡名東陽其後更為婺州而以東陽名縣其時猶未久也猶以郡名稱歟故入傳疑而杭世駿蘭臯風雅序云東陽郡其地在金華山之南澱水之東唐垂拱二年因東陽舊郡之名分烏傷及廢吳寧縣治置東陽縣云輿系出寒微氏族不顯所居或在澱水之上澱江今與谿與東陽壤地相接即以為蘭谿人不嫌與史異也此說亦未精覈緣通志入古蹟今從之

大卿潘公故居初居純孝鄉大堰口後居桃花塢賢良范先生故居香溪鎮

丞相范公故居清口賢良徐先生故居香溪鎮

八行陳公故居純孝鄉牛社

八行董公故居

純孝鄉魯雲坂

八行金公故居

純孝鄉銅山後

元大司徒陳公故居

初居桃塢後居赤溪

元禮部吳公故宅

在城南隅隆禮坊

金文安公故居

純孝鄉仁山下

董東湖先生故居

甘棠鄉蘭陰山下

章楓山先生故宅

其先居浦江後徙蘭谿純孝鄉金華雜識又云章楓山居在白露山下

童慎齋先生故宅

香溪市

方寒溪先生故宅

蘭谿溪上因號寒溪子其所居有皎皎灘見婺書

蘭谿縣志

卷六

古蹟

九

